

# UNIVERSITETET I OSLO

FRA  
UNIVERSITETSDIREKTØREN



OSLO. 14 mai 1981  
Univ. jnr. A 421/81 KH/RJ  
Bes oppgitt ved korresp.

Det norske samlaget  
Postboks 4672 Sofienberg  
OSLO 5

## AVTALE MELLOM DET NORSKE SAMLAGET OG UNIVERSITETET I OSLO OM NORSK ORDBOK MED SAMLINGAR

Universitetsdirektøren viser til brev av 29 januar 1981 frå Det norske samlaget med framlegg til avtale mellom Det norske samlaget og Universitetet i Oslo om Norsk ordbok med samlingar.

Brevet og avtaleframlegget vart sendt til Det historisk-filosofiske fakultet. Dekanus har svart at han ikkje har særlege merknader til avtaleutkastet, men går ut frå at Norsk leksikografisk institutt, Avdeling for nynorsk, ikkje skal ha noka særstode i høve til andre institutt ved fakultetet.

Universitetsdirektøren viser til dette. Avtalen mellom Det norske samlaget og Universitetet i Oslo om Norsk ordbok med samlingar er dermed godkjend.

Det historisk-filosofiske fakultet og Norsk leksikografisk institutt får kopi av dette brevet.

Olav M. Trovik

Kari Høgevold

AVTALE MELLOM DET NORSKE SAMLAGET OG UNIVERSITETET I OSLO  
OM NORSK ORDBOK MED SAMLINGAR

I samsvar med brev frå Samlaget 3.2.1971 til formannen i plannemnda for Norsk leksikografisk institutt og brev frå universitetet v/universitetsdirektøren 13.3.1972 gjer Det Norske Samlaget og Universitetet i Oslo denne avtalen:

Det Norske Samlaget overfører vederlagsfritt Nynorsk ordboksverk (Norsk Ordbok med ordarkiv og samlingar) til Universitetet i Oslo (Norsk leksikografisk institutt, Avdeling for nynorsk).

Universitetet i Oslo lovar til gjengjeld at arbeidet med Norsk Ordbok skal halde fram i same spor som før, og vil leggje vilkåra til rette for ei så rask utarbeiding og utgjeving av Norsk Ordbok som mogleg.

Instituttet utarbeider prentemanuskript og les korrektur. Det Norske Samlaget har utgjevingsretten (forlagsretten) til Norsk Ordbok og svarer for produksjonskostnadene.

Samlaget skal fritt kunne nytte ordarkivet til alle slag andre ordbøker og andre boktiltak.

Så lenge Norsk Ordbok er under utgjeving har Samlaget rett til å nemne opp tre av fem medlemmer av ei fagleg-konsultativ ordboksnemnd. Norsk leksikografisk institutt nemner opp dei to andre medlemmene.